



**Ivsti Baronii Veteracastrensis SS. Th. Et I. V. D.
III[ustrissi]mo Arch[iepisco]po Moguntino à Consilijs.
Epistolarvm Sacrarvm Ad Pontificem Max. Et Amplissimos
Cardinales &c. Libri VI**

Baronius, Justus

Mogvntiae, 1605

Epistola X. Cinthivs Aldobrandinus S. R. E. Cardinalis Ivsto Baronio
Veteracastrensi. S Admodum Magnifice & Ornatissime Domine.

[urn:nbn:de:hbz:466:1-70614](https://nbn-resolving.org/urn:nbn:de:hbz:466:1-70614)

EPISTOLA X.

CINTHIUS ALDOBRANDI-
nus S. R. E. Cardina-
lis

*IVSTO BARONIO VETE-
racastrensi. S.*

Admodum Magnifice & Ornatissime
Domine.

PATERNVM S. D. N. erga te animum de-
clarare pergunt alteræ S^{tis} S^æ litteræ,
quas etiam mitto. Quid autem & ipse causa
tua velim, mallem equidem solidis officijs,
quàm verbis ostendere: & ostendam vel
non rogatus, vbi cunque se eius rei dabit fa-
cultas. Sic enim existimare debes, non so-
lū me ex tua ad Catholicā fidem conuersi-
one singulari quodam gaudio affectum, sed
etiam statim erga te sic fuisse animatum, vt
in te diligendo nemini eorum concedam,
quos nosti esse tui amantissimos. Prioribus
S^{tis} S^æ litteris ego itidem officij causa co-
mites adiunxeram paucos versiculos, quos
vna tibi redditos arbitror. Vt vt sit, hosce
denuò certissimos testes habebis meæ in te
propensissimæ voluntatis. Quod reliquum
est, à Deo Opt. Maximo summis precibus
cōtendo, vt quemadmodum mente & ani-
mo, sic etiam corpore perpetuò valeas, cui
iterum

iterum omnia studia atque officia mea lubens defero ac polliceor. Romæ die 14. Iulij M.DCI.

EPISTOLA XI.

CÆSAR BARONIVS SORANUS S. R. E. Cardinalis

IUSTO BARONIO VETERA-
castrensi S.

Clarissime Domine.

ACCÉPTI litteras tuas, ex quibus summum dolorem hausi, quod te, quem hoc tempore, quo itineri te cōmiseras, rectè valere optaueram, nunc in morbū incidisse intelligam. Equidem summoperè cuperem pluribus verbis te consolari, nisi scirem ea te fortitudine esse, vt à nullo potius, quàm à te alleuationem vllam debeas expectare: cum omninò confidam, ² infirmitatem hanc *à Ioan. 11* non esse ad mortem, quod olim Dominus noster lororibus Lazari ægrotantis respondit, sed pro gloria Dei. Porro cum S. D. N. regi de rebus tuis, qui ea propensione in te est animat⁹, vt nihil æq; desideret, quàm vt omnia tibi cedant felicissimè. Quapropter bono animo esto. Etsi enim constitutus sis (vt Paulus ait) ^b in labore, in arumna, in vigilijs, *b 2. Cor. 11:* in frigore, & nuditate, ^c confide tamen in Do- ^{27.} *c 1. 1.*
G *mino;*